

U skladu sa *Zakonom o posredovanju u zapošljavanju i socijalnoj sigurnosti nezaposlenih osoba* („Službene novine Federacije BiH“, br. 41/01, 22/05 i 9/08) i na osnovu Sporazuma o međusobnoj saradnji između Federalnog zavoda za zapošljavanje, Ministarstva za pitanja branitelja/boraca HNŽ/K i Službe za zapošljavanje HNŽ/HNK broj: 06-49-4375-1/18 objavljuje se Javni poziv za Program sufinansiranja zapošljavanja djece poginulih branitelja/boraca i djece ratnih vojnih invalida (u daljem tekstu: **Program**)

JAVNI POZIV

za učešće u Programu sufinansiranja zapošljavanja djece poginulih branitelja/boraca i djece ratnih vojnih invalida 2018

Za realizaciju Programa osigurana su finansijska sredstva u iznosu od 380.000,00 KM.

Iznos od 180.000,00 KM bit će osiguran od strane Federalnog zavoda za zapošljavanje, a iznos od 200.000,00 KM od strane Vlade Hercegovačko-neretvanske županije/kantona.

Nosilac realizacije ovog Programa je Služba za zapošljavanje Hercegovačko-neretvanske županije/kantona (u daljem tekstu: **Služba**).

• Cilj Programa

Program se realizira s ciljem zapošljavanja nezaposlenih osoba, djece poginulih i nestalih boraca/šehida te djece ratnih vojnih invalida, koje se nalaze na evidenciji Službe prije objave Javnog poziva i koje aktivno traže posao.

• Korisnici

Nezaposlene osobe

Korisnici Programa su nezaposlene osobe, djeca poginulih i nestalih boraca te djeca ratnih vojnih invalida, prijavljene na evidenciju Službe prije objave Javnog poziva.

Poslodavci

Pravo prijave na Javni poziv imaju pravni subjekti koji imaju registrovanu djelatnost na području Hercegovačko-neretvanske županije/kantona, koji imaju najmanje jednog zaposlenog radnika, a koji redovito izmiruju obaveze po osnovu poreza i doprinosa, te poslodavci koji imaju sa Poreznom upravom Federacije BiH potpisan Sporazum o odgođenom plaćanju duga po osnovu javnih prihoda.

U Programu ne mogu učestvovati:

- poslodavci koji su koristili kreditna ili bespovratna sredstva iz poticajnih mjera Federalnog zavoda za zapošljavanje i Službe, a nisu ispoštovali obaveze u skladu sa zaključenim ugovorima, odnosno nisu zaposlili predviđen broj radnika i/ili ne vraćaju redovno dobivena sredstva,
- poslodavci koji ne izmiruju redovno obaveze po osnovu poreza i doprinosa,

- poslodavci evidentirani u Registru novčanih kazni zbog duga neplaćenih novčanih kazni i troškova postupka, jer s radnikom nisu zaključili ugovor o radu – rad na crno.

Poslodavcu se neće sufinansirati zapošljavanje osoba koje je već zapošljavao, i ne koristeći sredstva iz poticajnih mjera Zavoda/Službe, a koje je otpustio u posljednjih 12 mjeseci prije dana podnošenja prijave na Javni poziv. Također, poslodavcu se neće sufinansirati zapošljavanje osoba koje je već zapošljavao koristeći sredstva iz poticajnih mjera Zavoda/Službe, a koje je otpustio u posljednja 24 mjeseca prije dana podnošenja prijave na Javni poziv.

- **Poticajne mjere i ciljne grupe**

Sufinansiranje zapošljavanja djece poginulih i nestalih boraca

Mjera podrazumijeva zapošljavanje djece poginulih i nestalih boraca, prijavljene na evidenciju nezaposlenih osoba, bez obzira na stepen obrazovanja, uz zasnivanje radnog odnosa na period od 12 mjeseci.

Sufinansiranje zapošljavanja djece ratnih vojnih invalida

Mjera podrazumijeva zapošljavanje djece ratnih vojnih invalida, prijavljene na evidenciju nezaposlenih osoba, bez obzira na stepen obrazovanja, uz zasnivanje radnog odnosa na period od 12 mjeseci.

- **Način sufinansiranja**

Služba Poslodavcu mjesečno isplaćuje/refundira iznos neto plaće za radno mjesto koje odgovara stepenu stručnog obrazovanja, i to 800,00 KM za osobe sa završenim dodiplomskim i diplomskim studijem, i 600,00 KM za osobe sa ostalim stepenovima obrazovanja. Refundirani iznos se u cjelini odnosi na neto plaću sufinancirane osobe, a poslodavac je dužan na istu obračunati i platiti obavezne doprinose i poreze.

- **Osnovni kriteriji za bodovanje prijave za sufinansiranje zapošljavanja**

Prednost pri odobravanju poticajnih sredstava po Programu imaju poslodavci:

- koji zapošljavaju nezaposlene osobe u proizvodnoj djelatnosti,
- koji zapošljavaju dugoročno nezaposlene osobe,
- koji zapošljavaju osobe bez oba roditelja,
- koji zapošljavaju osobe koje žive u domaćinstvu u kojem su svi članovi nezaposleni,
- poslodavci koji će isplaćivati veću bruto plaću od one koja je predviđena programom (neto 600/800 zavisno od stepena stručne spreme).

- **Javni poziv**

Javni poziv za učešće u Programu se objavljuje dana 27.08.2018. godine, na oglasnim pločama Službe (sve podružnice) i internet stranici www.szzhnz-k.ba i službenoj web stranici Vlade HNŽ/HNK. Javni poziv ostaje otvoren trideset (30) dana od dana objavljivanja, nakon čega se vrši ocjena prijava, te se utvrđuje rang lista.

Nepotpune i neblagovremeno pristigle prijave, neće se uzeti u razmatranje.

Ukoliko nakon obrade pristiglih prijava na Javni poziv ne dođe do utroška programom predviđenih finansijskih sredstava, Javni poziv će biti ponovljen.

- **Prijava na Javni poziv**

Zainteresovani poslodavci se prijavljuju na Javni poziv popunjavanjem prijave (P2-1 i P2-2) koja je dostupna na internet stranici Službe www.szzhznz-k.ba ili se može preuzeti u prostorijama Službe.

- **Obaveze poslodavca**

Poslodavci su prilikom prijave na Javni poziv dužni dostaviti sljedeću dokumentaciju:

- prijavu, koja je potpisana i ovjerena pečatom
- kopiju rješenja za obavljanje djelatnosti
- kopiju identifikacijskog broja
- broj računa u poslovnoj banci na koji će se sredstva doznačiti
- uvjerenje o izmirenim obavezama po osnovu poreza i doprinosa, original ili ovjerenu kopiju ne stariju od tri (3) mjeseca
- ovjerenu izjavu o visini neto plaće za sufinanciranu osobu
- dokaz o socijalnom statusu nezaposlene osobe (za dijete bez oba roditelja potrebno je dostaviti smrtne listove, te za osobu u čijem domaćinstvu su svi članovi nezaposleni kućnu listu
- uvjerenje nadležne općinske službe za boračko/braniteljsku-invalidsku zaštitu o statusu člana porodice tj. djetetu šehida/poginulog branitelja za osobu koja se zapošljava.

Organi uprave i druge institucije koje posluju preko trezora, umjesto Uvjerenja Porezne uprave dostavljaju dokaz da trezorski posluju.

- **Način podnošenja prijave na Javni poziv**

Poslodavci dostavljaju popunjenu prijavu sa pratećom dokumentaciju preporučnom poštom ili lično na adresu:

**Služba za zapošljavanje HNŽ-HNK
Kralja Tvrtka 19,
88000 Mostar**

Sa naznakom: „**Prijava na Javni poziv- NE OTVARATI**“

Umjesto putem navedene adrese, prijave je moguće dostaviti lično i u podružnice Službe.

- **Opće napomene**

Cjelokupan tekst „Programa sufinansiranja zapošljavanja djece poginulih branitelja/boraca i djece ratnih vojnih invalida 2018“ dostupan je na web portalu: www.szzhznz-k.ba